



**MATAGALUEGA O  
FA'ALAPOTOPOTOGA A LE MALO**

**FUAFUAGA AUTASI 2025 - 2028**

# UPU TOMUA

Oute fiasia e tuuina atu le Fuafuaga Autasi lona tolu leni a le Matagaluega talu ona faavae mai i le 2015.

O le fa'amoemoega o leni Fuafuaga o se tali fa'aauau lea a le Matagaluega agai i Fa'alapotopotoga i a'afiaga mai fafo aemaise le toe fuataina o taumafaiga tau atina'e i le tuana'i ai o le Koviti 19.

O lo'o manino ma maioio lelei sini o fa'amoemoega o loo fa'ataoto mai i le Taiala mo le Lumana'i Manuia o Samoa, ma o leni Fuafuaga Autasi e fa'amautinoa ai le tu'uina atu o fautuaga talafeagai i le Minisita o le Matagaluega o Fa'alapotopotoga a le Malo ina ia mafai ai ona ausia e Fa'alapotopotoga o latou tiute fa'atulafonoina e pei ona aiaia i lalo o le Malo (Fa'atinoga o Galuega ma le Mafai ona Tali atu) 2001. O galuega fa'ataoto o le a fa'afoeina mo leni piriota e fa'amautinoa ai:

- i. O le tu'uina atu o auunaga e aupito lelei e Fa'alapotopotoga i ana pa'aga patino;
- ii. O le toe maua mai lea o vaegatupe sa teu fa'afaigaluegaina e le Malo e ala i pasene ma le fa'amauina o le fa'amalieina o pa'aga i se fuataga maualuga.

Fa'ataua i leni piriota o le fa'atinoina lea o galuega fuafuaina ina ia si'itia ai le mafai ona tali atu i lu'itau fa'atatau i le tamaoaiga fa'apea ma le fa'afoeina o galuega patino a Fa'alapotopotoga Tumaoti i se tulaga vave ma lelei.

I le ma leisi, ua maea foi ona toe fa'atulaga le Matagaluega ina ia atagia ai le pule fa'amalumalu o le Faigamalo i Fa'alapotopotoga Tumaoti aua le una'ia o ana manulauti.

Ou te fa'afetaia ai le galuega fita ma le galulue so'oso'otau'au a le Pulega ma le Aufaigaluega i le fausiaina o leni Fuafuga faapea le fa'afoeina o fuafuaga a le Matagaluega i Fuafuaga Autasi ua mavae atu. E le na ma le laina o lesona na maua mai Fuafuaga Autasi ua mae'a o lea ua toe timata ai le 'upega ma poupu lo tatou sa mo leni folauga e pei ona fa'ataoto mai i leni Fuafuaga Autasi.

Agalelei mai le Alii i le fa'atinoina o la tatou tautua mo Samoa ma ona tagatanu'u.



TOOALA Elita Tooala  
**OFISA SILI O PULEGA**



# 'ANOTUSI

Upu Tomua.....	2
Fa'apu'upu'ga o Upu.....	4
Fa'atomuga.....	5
Vaega 1: Tulafono.....	6
Vaega 2: Fa'amoemoega, Aga Tausili, Faiga Fa'avae ma Sini Autu o Galuega Fa'atino .....	7-9
Vaega 3: Fa'atulagaina o le Matagaluega ma ana Matafaioi .....	10-11
Vaega 4: Taiala mo le Atunu'u Atoa.....	12-14
Vaega 5: Fa'atinoina o Taiala.....	15-30
Vaega 6: Mata'ituina o Galuega Fa'atino ma Iloiloga .....	31-32

# FA'APU'UPU'UGA O UPU

<b>AR</b>	Lipoti Fa'aletausaga
<b>CARS</b>	Fa'atumaina Pulega ma Faamatalaga
<b>CEO</b>	Ofisa Sili o Pulega
<b>CEMD</b>	Vaega mo le Mata'ituina o Fa'alapotopotoga Taufefa'atauaiga
<b>CP</b>	Fuafuaga 'Autasi
<b>CSD</b>	Vaega mo Auaunaga Lautele
<b>CSO</b>	Noatiaga i Galuega i Nu'u ma Alalafaga
<b>DPIC</b>	Tautinoga a Komiti Fa'atonu
<b>HR</b>	Puna'oa o Tagata
<b>ICT</b>	Fa'amatalaga ma Feso'otaiga Tekinolosi
<b>ISC</b>	Komiti Tuto'atasi e Filifilina Komiti Fa'atonu
<b>MBMD</b>	Vaega Mataituina o Fa'alapotopotoga Galulue So'oso'o Tau'au ma Fa'alapotopotoga Tautua a le Malo
<b>MD</b>	Pule Fa'atonu
<b>MPE</b>	Matagaluega mo Fa'alapotopotoga a le Malo
<b>NPAT</b>	Tupe Maua pea uma Lafoga
<b>PASP</b>	Fuafuaga a le Vaega o Pulega a le Malo
<b>PBGD</b>	Vaega o Pulega Fa'alapotopotoga a le Malo
<b>PDS</b>	Ta'iala mo le Lumanai Manuia o Samoa
<b>PPP</b>	Faiga Fa'apa'aga a le Malo ma Vaega Tumaoti
<b>PPPPD</b>	Vaega mo Faiga Pa'aga ma le Faamatu'u o Fa'alapotopotoga a le Malo i Vaega Tumaoti
<b>PTB</b>	Fa'alapotopotoga mo Fefa'ataua'iga a le Malo
<b>QR</b>	Lipoti fa'a-le-kuata
<b>R&amp;S</b>	Fa'afaigaluegaina ma le Filifiliina o Tagata Faigaluega
<b>ROE</b>	Pasene o tupe faasili e maua mai tupe faavae
<b>SCO</b>	Fa'amatalaga o Sini Autu
<b>SHC</b>	Fa'alapotopotoga o Fale
<b>SOE</b>	Fa'alapotopotoga Tuma'oti
<b>SPL</b>	Falemeli o Samoa
<b>SWOT</b>	Malosi, Vaivaiga, Avanoa & Fa'amata'u
<b>WOA</b>	Tusi Tofiga
<b>WTO</b>	Fa'alapotopotoga mo Fefa'atauaiga a le Lalolagi



# FAATOMUGA

O le Fuafuaga Autasi a le Matagaluega mo Fa'alapotopotoga a le Malo mo tausaga fa'a-le-tupe 2025-2028 ua tapenaina ina ia mulimulita'ia fuafuaga ua fa'ata'atitia i le Taiala mo le Atina'e Manuia o Samoa (PDS).

Ua lava ta'aoso le Matagaluega pe a fua atu i le fausaga ua taoto ai nei lana Pulega fa'apea ma lona taitaiga. A tu'ufa'atasi ma matafaioi 'ese'ese e patino i Fa'alopotopotoga ta'itasi, o lea taoto ai ile agatonu tiute fa'atonutonu a le Matagaluega mo le una'ia o Fa'alapotopotoga aua se lumana'i manuia o Samoa ma ona tagata. I lea ma leisi, e taula'i lenei Fuafuaga Autasi ina ia ausia sini ma fa'amoemoega ua fuafuaina mo lenei piriota ina ia o gatasi ma sini ma fa'amoemoega o Vaega Tetele o loo avea ai le Matagaluega ma itutino o loo mata'ituina le fa'atinoina.

Ua vaevaeina le Fuafuaga Autasi i vaega nei:

Vaega 1 - Tulafono

Vaega 2 – Fa'amoemoega, Vaaiga Mamao, Agatausili ma Faiga Faavae.

Vaega 3 – O ta'iala mo le Atunuu atoa ma Vaega Tetele

Vaega 4 – Matafaioi Autu ma le Fa'atulagaina o le Aufaigaluega

Vaega 5 – Fa'atinoina o Ta'iala

Vaega 6 – Auivi mo le Mataituina o galuega fa'atino ma Iloiloga.

## VAEGA 1: TULAFONO

O le Tulafono autu o lo'o limata'ita'ia ai galuega a le Matagaluega o le Tulafono mo Fa'alapotopotoga a le Malo (Fa'atinoga o Galuega ma le Mafai ona Tali atu) 2001. O vaega uma o lenei Tulafono o lo'o una'ia ai le tali atu o le Minisita e fito i tonu mo Fa'alapotopotoga ma le Matagaluega ina ia si'itia fa'atinoga o galuega ma tu'uina atu auaunaga e sili ona lelei i le mamalu o le atunu'u. O nisi o tulafono ma faiga faavae o lo'o limata'ita'ina ai le Matagaluega fa'atasi ai ma lana Tulafono Autu:

- Fa'avae o le Malo Tuto'atasi o Samoa;
- Fa'aiuga a le Kapeneta;
- Tulafono Fa'atonutonu o Tupe a le Malo 2001;
- Tulafono mo Tagata Faigaluega a le Malo 2004;
- Tulafono mo Kamupani 2001;
- Ta'iala mo le Lumana'i manuia o Samoa 2021-2026.

O isi ia o Faiga Fa'avae o loo aafia i le fa'atinoina o galuega a le Matagaluega:

- Faiga Faavae mo le Puleaina o Fa'alapotopotoga Tumaoti, Fa'atinoga o Galuega ma le Fa'atauina 2015;
- Faiga Fa'avae mo Tupe Fa'asili e maua mai Tupe Fa'avae a le Malo 2018;
- Faiga Fa'avae mo le Umiaina, Fa'atinoga o Galuega ma le Fa'amatu'uina atu o Fa'alapotopotoga 2003;
- Faiga Fa'avae mo tupe totogi mai tupe fa'asili i le Malo 2018;
- Faiga Fa'avae o Notiaga i Galuega o Nuu ma Alalafaga 2018;
- Faiga Fa'avae mo Faiga Filifiliga o Tofiga o Ofisa Sili o Puega ma Fa'auluuluga o Fa'alapotopotoga a le Malo 2020;
- Faiga Faavae mo le Puleaina o le Fa'atinoina o Galuega a Ofisa Sili o Puega 2020;
- Faiga Faavae Aoaotetele mo le tu'uina atu o galuega/poloketi a le Malo 2015;
- Taiala mo le Faavasegaina o Fa'alapotopotoga a le Malo 2020;
- Faiga Fa'avae o Komiti Faatino a Fa'alapotopotoga a le Malo 2022;
- Fuafuaga a le Vaega o Tupe a le Malo 2022/2023-2026/2027.

# FAAMOEMOEGA

## VA'AIGA MAMAQ:

*“Faiga fa’avae alagatau ma ‘ānoa, si’itia ‘au’aunaga ma taunu’uga o galuega a Fa’alapotopotoga a le Malo”*

## MANULAUTI:

*“Ia tu’uina atu fautuaga talafeagai e fa’amalosia ai le fa’atinoga o galuega a Fa’alapotopotoga a le Malo ina ia mautinoa o lo’o tu’uina atu so latou sao taua i le atina’eina o le tamaoaiga ma le soifua manuia o tagata lautale”*

## TA’IALA:


*O le taula’iga autu o le fa’aleleia lea o le fa’atinoga o galuega ma le tali atu o Fa’alapotopotoga a le Malo ina ia mautinoa ua latou tu’uina atu le auaunaga silisili ona lelei I le mamalu o le atunu’u. E faatasi ai foi ma le faailoaina o tanu’uga e 3 o le a gafa le Matagaluega mo Fa’alapotopotoga a le Malo ma faatinoina:*

**Ta’iala 1:** *“Si’itia le usita’ia o Tulafono”. Ina ia una’ia le faatinoina ma le tausisia atoatoa e Fa’alapotopotoga a le Malo o tulafono ma faiga faavae ua fa’amaoina e le Malo mo vaega ta’itasi o Fa’alapotopotoga a le Malo.*


**Ta’iala 2:** *“Ia lelei ma maualuga le tulaga o le auaunga”. Ia tu’uina atu fautuaga vave e faalelei ai faiga faavae a Fa’alapotopotoga aua le faaleleia o auaunaga I tagata lautale.*

**Ta’iala 3:** *“Faafaigaluega o Tupe a le Malo.” Ia fesoasoani le Matagaluega i Fa’alapotopotoga i le atinaeina o le tamaoaiga ma le soifua manuia lautale e ala I a latou auaunaga.*

# AGA TAUSILI MA FAIGA FA'AVAE




# SINI AUTU O GALEUGA FA'ATINO



VAEGA 3:

# FA'ATULAGAINA O LE MATA GALUEGA



# MATAFAIOI O LE MATAGALUEGA

E lima Vaega i totonu o le Matagaluega o Fa'alapotopotoga a le Malo, e tofusao uma vaega ta'itasi mo le una'ia o sini ma fa'amoemoega o lenei Fuafuaga Autasi, ma o Vaega la nei:

1. ***Vaega o Pulega Lelei o Fa'alapotopotoga a le Malo:*** Ia si'itia le auauunaga a Fa'alapotopotoga e tauala mai i le fa'amalosia o Tulafono ma faiga faavae mo Pulega lelei o Fa'alapotopotoga a le Malo e tusa ai ma le Tulafono mo Fa'alapotopotoga a le Malo (Fa'atinoga o Galuega ma le Mafai ona Tali atu) 2001.
2. ***Vaega Mata'ituina o Fa'alapotopotoga Taufefa'atauaiga:*** E gafataulimaina le mata'ituina o galuega faatino ma le tu'uina atu o fautuaga fa'aletulafono e tauala i fa'atalanoaga e una'ia ai le si'itia o auauunaga o Fa'alapotopotoga tau fefa'atauaiga e pei ona fa'amauiina i le Fa'amatalaga 2 o le Tulafono mo Fa'alapotopotoga a le Malo (Fa'atinoga o Galuega ma le Mafai ona Tali atu) 2001.
3. ***Vaega Mata'ituina o Fa'alapotopotoga Galulue So'oso'o Tau'au ma Fa'alapotopotoga Tautua a le Malo:*** Fausiaina o faiga fa'avae/tulafono fa'atonutonu ma le tu'uina atu lea o fautuaga talafeagai e si'itia ai le usitaia, sologa lelei le tamaoaiga ma le auauunaga e tu'uina atu e Fa'alapotopotoga.
4. ***Vaega mo Faiga Pa'aga ma le Fa'amatuu o Fa'alapotopotoga a le Malo i Vaega Tumaoti:*** E gafataulimaina le fa'aילוaina, iloiloaina ma le fa'atalanoaina o i latou e agava'a mo PPPs ma i latou e agava'a mo vaega tumaoti.
5. ***Vaega o Auauunaga Lautele:*** Tu'uina atu galuega lagolagosua e aofia ai le va'aia o mataupu e fa'atatau i tagata faigaluega, fa'agaioiina ma le pulea lelei o tupe ma meafaigaluega tau-tekonolosi ina ia sologa lelei le fa'atinoina o galuega o le Matagaluega ina ia ausia sini o fa'amoemoega.

# TA'IALA MO LE ATUNU'U ATOA

Ta'iala mo le  
Lumanai  
Manuia o  
Samoa 2021-  
2026 (PDS)

## Ta'iala Autu 1: Siitia Aga Fesootai.

### *Vaega Fa'amuamua 1: Fa'aitiitia le mativa ma le tagolima.*

- Ia taulamua Fa'alapotopotoga i le faasopolia o le atunuu i auaunaga taua e pei o le vai, eletise, ma telefoni. Ia avea Faalapotopotoga ma auala e faaoo atu ai nei auaunaga aemaise mo tagata o loo moomia.

### *Vaega Faamuamua 2: Faalelei le Soifua Maloloina mo le Lautele.*

- Ia faatinoina e le Faalapotopotoga mo Fatugao o Samoa ni auala e mafai ai ona saofaga le mamalu o le atunuu I latou auaunaga, siitia le auaunaga e ave mo tagata mamai ma ia galulue ma nuu ma afioaga.

### *Vaega Faamuamua 3: Aoaoga Lelei.*

- Ia atagia mai lesona ma mataupu o loo aoaoina i le Iunivesite Aoao o Samoa le lava tapena ai o tamaiti aoga e fai se latou sao lelei mo le Atunuu aua se lumanai manuia o Samoa ma ona tagata.

### *Vaega Faamuamua 5: Tulaga Maua o Tomai ma Agavaa o Tagata Faigaluega.*

- Ia ofoina atu e Faalapotopotoga aoaoga talafeagai e faatinoina i taimi talafeagai e unaia ai agavaa e faatino ai galuega eseese mo se aufaigaluega ua sili atu ona agavaa ina ia maua mai ai ni tagata e fai ni o latou sao taua mo le atunuu aemaise o le maua lea o avanoa e siitia ai le tatou tamaoaiga.

## Ta'iala Autu 2: Fa'alauteleina o le Tamāo'aiga ma Gafataulimaina.

### *Vaega Fa'amuamua 7: Atina'ega Lelei o Fa'ato'aga, Faigā Faiva ma Fa'asao.*

- Le tele se piiitaga: Ia tuuina atu auaunaga talafeagai o Faalapotopotoga pei o le STEC ma le SROS aua le susesueina, le faatotogaina o vaega moomia e siitia ai le gaosiina o oloa, le gafataulimaina ma le maua o ni metotia fou aua le siitia o le tamaoaiga ma le mafai ona tali atu.

***Vaega Fa'amuamua 8: Toe Fotua'eina o le Vaega o Tagata Tafafao Maimoa.***

- Ia faatinoina e le Pulega o Tagata Tafafao Maimoa polokalame faalauiloa, faaleleia atinae tetele ma metotia tau makeki mo le tosina mai ai o tagata tafafao maimoa mo le faatupulaia ai o avanoa faigaluega ma le faamalosia o tupe maua.

***Vaega Fa'amuamua 9: Fa'atupula'ia ma le Atiina'eina o Pisinisi***

- Le tele se piitaga. Ia mafai ona unaia le vaega o Pisinisi Tumaoti ma isi faatulagana e fesoasoani lea mo le siitia o tupe maua, galuega fou, tosina mai kamupani e fia teufaafaigaluenaina o latou tupe ma ia fausia se siosiomaga faatauva mo pisinisi aua se lumanai manuia.

***Vaega Fa'amuamua 11: Fa'amausalī le Tūlaga o le Tamāo'aiga***

- Tele le piitaga o Faalapotopotoga i le fausiaina lea o faiga faavae e fitoitonu i le atinaeina o le tamaoiga aua le lumanai manuia o tagata lautele.

**Ta'iala Autū 3: Saogalēmū ma le Fa'atuatuaina o Pulega Lelei**

***Vaega Fa'amuamua 12: Fa'amālosia Tūlāfono***

- Ia usitaia uma e Faalapotopotoga e 23, tulafono e pei o le Tulafono mo Faalapotopotoga a le Malo (Fa'atinoga o Galuega ma le Mafai ona Tali atu) 2001 ma isi Tulafono fesoatai ane ai.

**Ta'iala Autū 4: Si'osi'omaga Malupuipua ma Suiga o le Tau**

***Vaega Fa'amuamua 15: Lelei Fausiaina o Galuega e Tali atu ai i Suiga o le tau***

- Faalapotopotoga uma o loo teufaafaigaluega latou tupe i atinae tetele mo le tali atu i suiga o le tau e pei o le (EPC, SWA ma le AA), faapea i le vaega o Turisi lea aofia ai le STA.

**Ta'iala Autū 5: Tūlaga i Galuega a le Mālō ma Atiina'e Tetele**

***Vaega Fa'amuamua 19: Lelei Ato'atoa o Auaunaga ma Nofoaga mo Tagata Lautele***

- Tele le piitaga e tauala atu i le Taiala mo le Atinae manuia o Samoa. O tatou matafaioi o le mataituina ma le tuuina atu o fautuaga faa-faiga-faavae e mautinoa ai le ofoina atu o tautua talafeagai e Faalapotopotoga e pei o le: LTA, SWA, SAA, EPC, Samoa Airways, SSS, SPA ma le SSC.

***Vaega Fa'amuamua 21: Pūleaina o Galuega Tetele a le Mālō***

- Le tele se piitaga. E mafai e Faalapotopotoga ona pulea mai se faamalumaluga se tasi le faasoasoina o atinae tetele ma meafaigaluega. O lea auala, e mafai ai ona sosolo lelei auala e faatino ai, pulea lelei o meafaigaluega, ma le mataituina o le faatinoina o se poloketi. Ae laualuga i lona sao taua mo le faamalosia o le tamaoaiga o le Atunuu faapea le tautua ofoina atu i le lautele.

## SINI 1

Ia fa'amalosia pulega ma Ta'iala Fa'atonutonu mo Fa'alapotopotoga a le Malo e fa'aleleia ai galuega fa'atino.

TA'IALA	GAIOIGA MA FUAFUAGA.	FA'AILOGA MO FA'ATINOGA O GALUEGA	TAIMI FA'ATAPULA'AINA
1. Faamautu Tofiga ma faiga Filifiliga a Sui Fa'atonu ua iai le tomai ma agavaa talafeagai mo Fa'alapotopotoga a le Malo i se taimi tatau	1.1 Faatino iloiloga o Faiga Faavae o loo Faatulagaina ai tomai ma agavaa o Komiti Faatonu a Faalapotopotoga taitasi a le Malo	Ia tuuina atu le ripoti a Sui o le Komiti Tuto'atasi mo le iloiloga sa faatino i le Faia Faavae o loo Faatulagaina ai tomai ma agavaa o Komiti Faatonu mo se faamaoniaga a le Kapeneta mo le ta'i 18 masina <ul style="list-style-type: none"> <li>- Ia maea le ripoti muamua - 31 Tesema 25</li> <li>- Ia maea le ripoti lona lua – 31 Iulai 27</li> </ul>	Vaega o Pulega Faalapotopotoga a le Malo
		Ia mae'a le iloiloina o Tulafono a Fa'alapotopotoga a le Malo ma tu'uina atu i luma o le Palemene I le aso 31 Tesema 2025.	Vaega o Pulega Faalapotopotoga a le Malo
	1.2 Fa'atino tualumaga o faiga filifiliga ma tofiga mo avanoa Fa'a- fa'atonu e tusa ai ma le Fa'amatalga 3, o le Tulafono mo Fa'alapotopotoga a le Malo (Fa'atinoga o Galuega ma le Mafai ona Tali atu) 2001.	E ono (6) masina e tatau ai ona amatalia tualumaga mo faiga filifiliga ma tofiga o avanoa mo Komiti Faatonu, ma e tatau ona faamautu nei tofiga ae le'i mae'a le tofiga mo le masina e tasi (1) o totoe.	Vaega o Pulega Faalapotopotoga a le Malo
	1.3 Ia mautu ma teu malu faamaumauga o Tusi Fa'amaonia o le Tofiga (WOA)/ I'ugafono a pa'aga ma Tautinoga ma	Fausiaina se Ta'iala mo tualumaga ma faiga filifiliga mo tofiga o avanoa Sui-Fa'atonu i le aso 1 Tesema 2024.	Vaega o Pulega Faalapotopotoga a le Malo
		Ia sainia uma Tusi Fa'amaonia o Tofiga (WOA) a Sui-Fa'atonu (100%) e le Ao o le Malo i totonu o le 6 vaiaso talu ona fa'amaonia e le Kapeneta a latou tofiga mo avanoa faa-Sui Faatonu	Vaega o Pulega Faalapotopotoga a le Malo

	Talitonuga (DPIC) mo Sui Fa'atonu.	Ia sainia I'ugafono a pa'aga/au fai Sea mo Sui Fa'atonu uma (100%) a Fa'alapotopotoga a le Malo i lalo o le Tulafono mo Kamupani 2001 i totonu o le 6 masina talu ona tofia e le Kapeneta	Vaega o Pulega Faalapotopotoga a le Malo
		Ia mautinoa ua sainia e Sui Fa'atonu uma (100%) ia a latou pepa o Ta'utinoga (DPIC) i totonu o le fa (4) vaiaso talu ona tofia i latou e le Kapeneta	Vaega o Pulega Faalapotopotoga a le Malo
	<b>1.4</b> Tuuina atu ma le atoatoa le lagolago mo'omia i le Komiti Tuto'atasi o lo'o nafa ma le tofiaina o Komiti Fa'atonu (ISC).	Ia tu'uina atu Fa'amaumauga ma pepa o Fa'amatalaga i sui o le Komiti Tuto'atasi i le 3-5 aso faigaluega a'o lei o'o i le Aso ua atofaina mo le latou fonotaga.	Vaega o Pulega Faalapotopotoga a le Malo
		Ia fa'amaonia e le Ta'ita'ifono minute/i'ugafono a le Komiti Tuto'atasi i le aso lona 5 talu mai ona ma'ea le fonotaga.	Vaega o Pulega Faalapotopotoga a le Malo
<b>2.</b> Fa'aleleia atili le fa'atinoina o galuega a Komiti Fa'atonu	<b>2.1</b> Fausia ni Taiala mo Amio/Amioga Pulea ma Aia Feteena'i, Ta'iala mo Soa-Komiti Su'etusi, ma se Taiala e fua ai le iloiloa o le faatinoga o galuega a Komiti Fa'atonu a Fa'alapotopotoga a le Malo.	Ia mautu ma teu malu faamaumauga mo Taiala mo Amioga Pulea ma Aia Fete;ena'iga, Taiala mo Soa-Komiti Su'etusi ma Iloiloga mo Komiti Fa'atonu ua maea ona sainia I le aso 31 Tesema 2024.	Vaega o Pulega Faalapotopotoga a le Malo
	<b>2.2</b> Fausia se Taiala Faalekuata mo Pulega e auili'ili ai metotia e mata'itu ai fa'atinoga o Galuega a Komiti Fa'atonu	Tapena ni faalauiloa ma folasaga mo Faalapotopotoga a le Malo e faatatau i aiaiga o lea Taiala faia lea i le aso 13 Iulai 2025.	Vaega o Pulega Faalapotopotoga a le Malo
	<b>2.3</b> Fa'atino taualumaga o faiga fa'avae o lo'o mata'ituina ai galuega a Komiti Fa'atonu	Tu'uina atu i le Kapeneta le Lipoti o le Iloiloga lona 3 o Galuega Fa'atino a Sui Fa'atonu & Komiti Fa'atonu I le aso 30 Oketopa 2025.	Vaega o Pulega Faalapotopotoga a le Malo
		Tu'uina atu i le Kapeneta le Lopti o le Iloiloga lona 4 o Galuega Fa'atino a Sui	Vaega o Pulega Faalapotopotoga a le Malo

		Fa'atonu & Komiti Fa'atonu I le aso 30 Aperila 2026.	
		Tu'uina atu i le Kapeneta le Lopti o le Iloiloga lona 5 o Galuega Fa'atino a Sui Fa'atonu & Komiti Fa'atonu I le aso 30 Oketopa 2027.	Vaega o Pulega Faalapotopotoga a le Malo
	<b>2.4</b> Faatino le toe iloilo o Ta'iala mo le mataituina o le faatinoina o galuega a Komiti Fa'atonu a Fa'alapotopotoga a Le Malo pe a iai se moomiaga.	Fa'amaonia e le Kapeneta le toe iloilo o Taiala e mataituina le faatinoina o galuega fa'atino a Komiti ma Sui Fa'atonu uma a Fa'alapotopotoga a le Malo I le aso 30 Tesema 2025.	Vaega o Pulega Faalapotopotoga a le Malo
	<b>2.5</b> Ia mautinoa le maua e Fa'atonu o a'oa'oga & atina'e agava'a talafeagai	Fa'atino Polokalame fa'amasani mo i latou ua avea ma Sui Fa'atonu mo le taimi muamua (totonu o le 2 masina talu ona tofia).	Vaega o Pulega Faalapotopotoga a le Malo
		Fausia ma fa'atinoina se Fonotaga/Talanoaga ta'i lua i totonu o le tausaga mo Ta'ita'ifono uma I le aso 31 Iulai 2025 ma ia faia faalua ile tausaga.	Vaega o Pulega Faalapotopotoga a le Malo
		Fa'atinoina A'oa'oga/Semina mo Sui Fa'atonu i mataupu fa'apitoa e saunia e le MPE ina ia fa'amaalosi/una'ia galuega ma fa'atinoga a Komiti Fa'atonu i tausaga uma i masina o Me ma Iuni.	Vaega o Pulega Faalapotopotoga a le Malo
<b>3.</b> Lelei atoatoa le faatinoina o faiga-Filifiliina o Tofiga o Ofisa Sili o Pulega o Fa'alapotopotoga a le Malo.	<b>3.1</b> Ia mulimulitaia le Taiala mo Faiga Filifiliga o Tofiga o Ofisa Sili o Puega mo Fa'alapotopotoga a le Malo.	E ono (6) masina e tatau ai ona amatalia taualumaga mo faiga Filifiliga o Tofiga o avanoa mo Ofisa Sili o Pulega, ma e tatau ona faamautu nei tofiga ae le'i mae'a le tofiga mo le masina e tasi (1) o totoe.	Vaega o Pulega Faalapotopotoga a le Malo
		Fa'amaonia e le Palemene teuteuga o Tulafono o loo faapea ona lima taitaiina ai faatinoga o galuega a Faalapotopotoga uma a le Malo I le aso 31 Tesema 2025.	Vaega o Pulega Faalapotopotoga a le Malo

	<b>3.2</b> Fa'atinoina o le iloiloga ma le toe teuteuga o Taiala mo Faiga Filifiliga o Tofiga o Ofisa Sili o Pulega mo Fa'alapotopotoga a le Malo.	Toe Iloilo ma teuteu Taiala mo Faiga Filifiliga o Tofiga a Ofisa Sili o Pulega mo Fa'alapotopotoga a le Malo ina ia fa'amaonia e le Kapeneta I le aso 31 Tesema 2024.	Vaega o Pulega Faalapotopotoga a le Malo
<b>4.</b> Lelei le mataituina o faatinoga o galuega a Ofisa Sili o Pulega a Fa'alapotopotoga uma a le Malo.	<b>4.1</b> Fa'atinoga o Taiala mo le mata'ituina o fa'atinoga o galuega a Ofisa Sili o Pulega o Fa'alapotopotoga a le Malo:	E amata ona fa'atino taualumaga mo iloiloga o le fa'atinoga o galuega a Ofisa Sili o Pulega i le tolu (3) masina ae lei oo le Aso na amata faamamalu ai tofiga (anniversary date).	Vaega o Pulega Faalapotopotoga a le Malo
		Tuufa'atasia se ripoti o ni mataupu poo ni fautuaga e fa'aleleia atili ai le faatinoga o galuega a Ofisa Sili o Pulega ma ia tuuina atu i le Kapeneta i le aso 30 Iuni o tausaga taitasi.	Vaega o Pulega Faalapotopotoga a le Malo
	<b>4.2</b> Fa'atino se iloiloga ma teuteuga i le Taiala mo le mata'ituina o fa'atinoga o galuega a Ofisa Sili o Pulega o Fa'alapotopotoga a le Malo:	Ia talia e le Kapeneta le ripoti o le iloiloga mo le Taiala mo Mataituina o galuega fa'atino o Ofisa Sili o Pulega mo Fa'alapotopotoga a le Malo i le aso 31 Tesema 2025.	Vaega o Pulega Faalapotopotoga a le Malo

**SINI 2**

**Maumaututu le mata'ituina ma le fausiaina o faigafaavae ma fautuaga anoa i auala fefa'asoa'i mo le una'ia ma le faaleleia o taunu'uga o auaunaga a Fa'alapotopotoga Tau Fefa'atauiga (FTF) a le Malo**

TAIALA	GAIOIGA MA FUAFUAGA	FAAILOGA MO FA'ATINOGA O GALUEGA	VAEGA E FAATINOINA
<p><b>1. Una'ia le tausisia e FTF o manaoga o lipoti, fuafuaga mamao ma faiga faavae e tusa ai ma le Tulafono o Faalapotopotoga.</b></p>	<p><b>1.1</b> Tuliloa le atoatoa o lipoti ma taimi faatulagaina</p>	<p>Ausia le 93% o FTF e tausisia taimi faatulagaina e tuuina mai ai lipoti fa'ale kuata i tausaga taitasi</p>	<p>Vaega Mata'ituina FTF a le Malo (CEMD)</p>
		<p>Ausia le 86% o FTF e tausisia o taimi faatulagaina e tuuina mai lipoti fa'ale tausaga</p>	<p>Vaega mo le Mata'ituina o Faalapotopotoga Taufefa'atauiga</p>
		<p>Ausia le 93% o lipoi fa'ale kuata ma fa'ale tausaga e aofia i lipoti e tuuina atu i le Kapeneta</p>	<p>Vaega mo le Mata'ituina o Faalapotopotoga Taufefa'atauiga</p>
	<p><b>1.2</b> Iloilo Ripoti faalekuata ma le faaletausaga a FTF ma fa'atinofaigafaavae ma faaiuga a le Kapeneta mo FTF.</p>	<p>Ausia le 80% iloiloga o lipoti fa'ale kuata ma fa'ale tausaga a FTF e tuuina atu i Minisita e umia sea i le 2 masina talu ona tuuina mai o lipoti i tausaga taitasi</p>	<p>Vaega mo le Mata'ituina o Faalapotopotoga Taufefa'atauiga</p>
		<p>Soālaupule ma fofo le 80% o faafitauli ma mataupu lāgā i tausaga taitasi</p>	<p>Vaega mo le Mata'ituina o Faalapotopotoga Taufefa'atauiga</p>
		<p>Ausia le 90-95% tufatufaga mai tupe faasili sa fuafuaina i tausaga taitasi</p>	<p>Vaega mo le Mata'ituina o Faalapotopotoga Taufefa'atauiga</p>
		<p>Ausia le 90% o Faalapotopotoga e tausisia le Faiga Faavae o tufatufaga mai tupe faasili i tausaga taitasi</p>	<p>Vaega mo le Mata'ituina o Faalapotopotoga Taufefa'atauiga</p>
	<p><b>1.3</b> Iloilo Fuafuaga Autasi (CP) ma Fa'amatalaga o Sini Autu (SCO) 2025-2028</p>	<p>Ausia le 70% o Fuafuaga Autasi ma Faamatalaga o Sini Autu a FTF e faamaonia e latou lava Minisita ia Setema 2024</p>	<p>Vaega mo le Mata'ituina o Faalapotopotoga Taufefa'atauiga</p>
		<p>Faafou ma ausia le 80% o CP ma SCO e faamaonia ia Iulai i tausaga taitasi</p>	<p>Vaega mo le Mata'ituina o</p>

			Faalapotopotoga Taufefa'atauaiga
<b>2. Faamalositia le Pulea lelei o lu'itau/lamatiaga ile faafoeina o tupe a FTF</b>	<b>2.2</b> Faatino le metotia o le Health Check Tool e iloilo ai galuega a FTF i tulaga ma'ale'ale po o se tulaga lelei	Mae'a auiliiliga o HCT mo FTF ia Tesema 2024	Vaega mo le Mata'ituina o Faalapotopotoga Taufefa'atauaiga
		Mae'a le lipoti tuufaatasi ia Tesema	Vaega mo le Mata'ituina o Faalapotopotoga Taufefa'atauaiga
		Faatautaia le Faatalatalanoa a Faalapotopotoga uma a le Malo ia Ianuari/Fepuari i tausaga taitasi	Vaega mo le Mata'ituina o Faalapotopotoga Taufefa'atauaiga
	<b>2.3</b> Galulue ma le MBMD ina ia fausia se fa'ava'a e iloilo ma mata'itu ai lamatiaga i vaega tupe a le Malo mo Faalapotopotoga uma a le Malo	Iai le fa'ava'a e iloilo ma mata'itu ai lamatiaga i vaega tupe a le Malo ia Iuni 2027	Vaega mo le Mata'ituina o Faalapotopotoga Taufefa'atauaiga
<b>3. Faamalositia tulaga manino ma le mafai ona tali atu mo FTF i ana Galuega Faatino</b>	<b>3.1</b> Iloilo ma faamae'a teuteuga o le Tulafono mo Faalapotopotoga a le Malo o lo o faataatai i FTF	Faamaonia e le Kapeneta teuteuga o le Tulafono mo Faalapotopotoga a le Malo ia Setema 2024 <ul style="list-style-type: none"> <li>- Faiga Faavae mo noatiaga o galuega i nu'u ma alalafaga</li> <li>- Fuafuaga Autasi ma Faamatalaga o Sini Autu</li> </ul>	Vaega mo le Mata'ituina o Faalapotopotoga Taufefa'atauaiga
		Pasia e le Palemene teuteuga o le Tulafono mo Faalapotopotoga a le Malo ia Iulai 2025 <ul style="list-style-type: none"> <li>- Faiga Faavae mo noatiaga o galuega I nu'u ma alalafaga</li> <li>- Fuafuaga Autasi ma Faamatalaga o Sini Autu</li> </ul>	Vaega mo le Mata'ituina o Faalapotopotoga Taufefa'atauaiga
	<b>3.2</b> Saunia le lipoti o Faaiuga a le Kapeneta e le o o gatusa ma Faiga Faavae mo	Lipoti i le Kapeneta galuega o lo o faatino e FTF e le o o gatusa ma Faiga Faavae mo noatiaga o galuega i nu'u ma alalafaga ia Tesema 2024	Vaega mo le Mata'ituina o Faalapotopotoga Taufefa'atauaiga

	noatiaga o galuega i nu'u ma alalafaga	Faatino le 100% o Fuafuaga Faatino ua faamaonia e le Kapeneta ia Tesema 2025	Vaega mo le Mata'ituina o Faalapotopotoga Taufefa'atauaiga
	3.3 Iloilo ma faamauina Faiga Faavae mo noatiaga o galuega i nu'u ma alalafaga ua mae'a ona fa'amaoniaina	Tuaina atu i Minisita e umia sea, o galuega faatino a FTF e le o gatusa ma Faiga Faavae mo noatiaga o galuega i nu'u ma alalafaga i lipoti faa le kuata ma faa le tausaga	Vaega mo le Mata'ituina o Faalapotopotoga Taufefa'atauaiga
		Faailoa uma mai noatiaga o galuega i nu'u ma alalafaga i lipoti faa le tausaga a FTF i tausaga taitasi	Vaega mo le Mata'ituina o Faalapotopotoga Taufefa'atauaiga
	3.4 Faatino le faaleleia o le pulea o tupe a FTF e siitia ai pasene o tupe faasili e maua mai tupe faavae ma tufatufaga o tupe faasili a le Malo	Iloilo faa le kuata ma faa le tausaga taunuuga o galuega a FTF e ala i le faaogaina o taiala mo tupe faavae po o tupe faasili (surplus capital), taiala mo le mata'ituina o aseta (asset utilization), taiala mo le faatulagaina o tupe faavae (capital structure) ma le taiala mo seta e le o faaogaina (redundant assets) i tausaga faa le tupe uma	Vaega mo le Mata'ituina o Faalapotopotoga Taufefa'atauaiga
		Ausia le 100% o FTF e iloilo a latou aseta e le o toe faaogaina ia Tesema 2024	Vaega mo le Mata'ituina o Faalapotopotoga Taufefa'atauaiga
		Ausia le 100% o FTF e iloilo poloketi e faaoga ai taiala mo galuega tetele ma faamaumauga tau pisinisi (capital expenditure and business cases) ia Iuni 2025	Vaega mo le Mata'ituina o Faalapotopotoga Taufefa'atauaiga
	3.5 Faatautaia su'esu'ega i faatinoga o galuega a FTF ma soo se faaletonu e tulai mai	Mae'a su'esu'ega e pei o faatonu ma Lipoti i Minisita e fitoitonui i le FTF i taimi o lo o i le Auivi o galuega	Vaega mo le Mata'ituina o Faalapotopotoga Taufefa'atauaiga
4. Fausia se tulafono faatonutonu ina ia siitia ai le faatinoga o	4.1 Faatino le Vaega 5 o le Tulafono mo Faalapotopotoga a le Malo (Faatinoga o	Lipoti i le Kapeneta mafuaga ma fuafuaga o galuega o le faatinoina o le Vaega 5 o le	Vaega mo le Mata'ituina o Faalapotopotoga Taufefa'atauaiga

galuega faapisinisi a FTF	Galuega ma le Mafai ona Tali atu) 2001	Tulafono mo Faalapotopotoga a le Malo ia Setema 2024	
		Faamaonia e le Kapeneta fuafuaga e faatino ai galuega ia Tesema 2024	Vaega mo le Mata'ituina o Faalapotopotoga Taufefa'atauaiga
		Ia le itiiti ifo ma le 2 FTF e faamaonia iloiloga o tulafono faavae i tausaga taitasi	Vaega mo le Mata'ituina o Faalapotopotoga Taufefa'atauaiga
		Ia le itiiti ifo ma le 2 FTF e iloilo a latou Faamatalaga o Tulaga Tau Tupe e ave ma Kamupani fou i tausaga taitasi	Vaega mo le Mata'ituina o Faalapotopotoga Taufefa'atauaiga
		Ia le itiiti ifo ma le 1 le FTF e faamaonia le ave ma Kamupani i tausaga taitasi.	Vaega mo le Mata'ituina o Faalapotopotoga Taufefa'atauaiga

**SINI 3**

**Siitia le tulaga o le mataituina o Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo, ina ia unaia le usitaia o taiala, gafataulimaina o tupe ma auaunaga e tu'uina atu i le atunu'u.**

TAIALA	GAIOIGA MA FUAFUAGA	FAAILOGA MO FA'ATINOGA O GALUEGA	VAEGA E FAATINOINA
<p><b>1.</b> Fausia ma fa'atino faiga fa'avae mo le siitia o le mataituina o Fa'alapotopotoga</p>	<p><b>1.1</b> Iloilo fa'ailoilo mo le mataituina o tulaga i le manino ma le mafai ona tali atu (transparency &amp; accountability) o Fa'alapotopotoga</p>	<p>Ia le ititi ifo o le 5 Fa'alapotopotoga tau Fa'amanuiaga e iloilo ma fa'afou fa'ailoilo ia Iuni o tausaga taitasi</p>	<p>Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo</p>
	<p><b>1.2</b> Fa'aaoga le Health Check Tool mo iloiloga taitasi o lipoti fa'aletausaga</p>	<p>Ia o'o atu ia Mati 2025 ua fa'aaoga le Health Check Tool e iloilo ai lipoti fa'aletausaga a Fa'alapotopotoga Soosoo Tauau ma Fa'alapotopotoga tau Fa'amanuiaga uma a le Malo</p>	<p>Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo</p>
	<p><b>1.3</b> Fausia le faiga fa'avae mo le teu fa'afaigaluegaina o tupe a Fa'alapotopotoga e limataitaina ai le fa'atinoga o fa'aiuga</p>	<p>Talia e le Kapeneta le faiga fa'avae mo le teu fa'afaigaluegaina o tupe a Fa'alapotopotoga ia Tesema 2026</p>	<p>Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo</p>
	<p><b>1.4</b> Fausia le auivi mo le iloiloaina o lu'itau o galuega fa'atino a Fa'alapotopotoga uma a le Malo</p>	<p>Talia e le Kapeneta le auivi mo le iloiloaina o lu'itau i galuega fa'atino a Fa'alapotopotoga ia Iuni 2027</p>	<p>Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo</p>
	<p><b>1.5</b> Fausia le auivi mo avanoa faigaluega fou a Fa'alapotopotoga a le Malo</p>	<p>Talia e le Kapeneta le auivi mo avanoa faigaluega fou a Fa'alapotopotoga a le Malo ia Tesema o le 2025</p>	<p>Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo</p>
<p><b>2</b> Siitia le tulaga o le usitaia o lipoti fa'atulafonoina (Tulafono mo Fa'alapotopotoga a le Malo 2001) ma faiga fa'avae a le Malo</p>	<p><b>2.1</b> Fa'amanatu ma le tuitui masani mo le tu'uina mai o lipoti fa'alekuata ma lipoti fa'aletausaga i le Matagaluega o</p>	<p>Ia le ititi ifo o le 90% o lipoti fa'alekuata e tu'uina mai i aso fa'agata ai</p>	<p>Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo</p>

	Fa'alapotopotoga a le Malo		
		Ia le ititi ifo o le 80% o lipoti fa'aletausaga e tu'uina mai i aso e fa'agata ai	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo
	<b>2.2</b> Tu'ufa'atasiga o le aotelega o lipoti fa'alekuata ma lipoti fa'aletausaga e tu'uina atu i le Kapeneta i le faatinoga o galuega a Fa'alapotopotoga	100% o Fa'alapotopotoga Soosoo Tauau ma Fa'alapotopotoga tau Fa'amanuiaga e aofia i le aotelega o Lipoti fa'alekuata i le Kapeneta	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo
		100% o Fa'alapotopotoga Soosoo Tauau ma Fa'alapotopotoga tau Fa'amanuiaga e aofia i le aotelega o Lipoti fa'aletausaga i le Kapeneta ia Mati o tausaga taitasi	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo
	<b>2.3</b> Iloiloga o Fuafuaga Autasi ma Fa'amatalaga o Sini Autu 2025-2027, ina ia mautinoa le õ gatasi ma Fuafuaga a Vaega Maoti ma le Taiala mo le Lumanai Manuia o Samoa	83% o Fuafuaga Autasi e talia e le Kapeneta ia Setema 2024	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo
	<b>2.4</b> Iloiloga o le gasologa o Fuafuaga Autasi 2025-2027 i tausaga taitasi	100% iloiloga fa'aletausaga mo Fuafuaga Autasi e fa'amaea ia Iulai	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo
<b>3</b> Fa'amalosia le gafataulimaina o Tupe a Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo	<b>3.1</b> Iloilo ma auiliili lipoti fa'alekuata ma lipoti fa'aletausaga a Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo	100% iloiloga mo lipoti fa'alekuata e fa'amaeaina i kuata taitasi	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo

		100% o iloiloga mo lipoti fa'aletausaga e fa'amaeaina i tausaga taitasi	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo
	<b>3.2</b> Tapena ma tu'u fa'atasi taunu'uga o galuega a Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo mo le fonotaga fa'aletausaga ma Fa'alapotopotoga	Fa'aaoga le Health Check Tool mo le tu'u fa'atasia o taunu'uga o galuega a Fa'alapotopotoga ia Iuni o tausaga taitasi	Vaega e Mataituina Fa'alapotopotoga Soosoo Tauau ma Fa'alapotopotoga tau Fa'amanuiaga a le Malo

**SINI 4**

**Faatinoina lelei o galuega mo le Toe-Fetuunaiga, Faiga-Faapaaga ma le Faamatuueseina o Faalapotopotoga a le Malo.**

TAIALA	GAIOIGA MA FUAFUAGA	FAAILOGA MO FA'ATINOGA O GALUEGA	VAEGA FAATINOINA E
<p><b>1. Fausia Faiga Faavae, Taiala ma Faalauiloa.</b></p>	<p><b>1.1</b> Fa'amaea le Faiga Faavae Aoaotetele mo le tuuina atu o galuega/Poloketi i le Malo</p>	<p>Faamaonia e le Kapeneta Faiga Faavae Aoaotetele mo le tuuina atu o galuega/poloketi a le Malo ia Mati 2025.</p>	<p>Vaega mo Faiga Paaga ma le Faamatuu o Faalapotopotoga a le Malo i Vaega Tumaoti</p>
	<p><b>1.2</b> Fa'amaea le Taiala i lalo o Faiga Faavae Aoaotetele mo le tuuina atu o galuega/poloketi a le Malo</p>	<p>Faamaoniga o le Kapeneta o Taiala oloo taua i lalo ia Iuni 2025:</p> <ul style="list-style-type: none"> <li>• Taiala mo galuega Faapaaga</li> <li>• Taiala mo le faaliliuina o Matagaluega e ave ma Faalapotopotoga,</li> <li>• Taiala mo le Faamatuueseina atu o Faalapotopotoga a le Malo,                             <ul style="list-style-type: none"> <li>- Taiala mo le mataituina o isi Aseta umia e le Malo.</li> </ul> </li> </ul>	<p>Vaega mo Faiga Paaga ma le Faamatuu o Faalapotopotoga a le Malo i Vaega Tumaoti</p>
	<p><b>1.3</b> Faatino faalauiloa i Matagaluega ma Faalapotopotoga (Stakeholders) i Faiga Faavae ma taiala ina ia siitia le malamalama.</p>	<p>Maea galuega faalauiloa poo aoaoga mo Faiga Faavae ma Taiala i tausaga taitasi.</p>	<p>Vaega mo Faiga Paaga ma le Faamatuu o Faalapotopotoga a le Malo i Vaega Tumaoti</p>
<p><b>2. Faatinoina o Faiga Faavae</b></p>	<p><b>2.1</b> Faatino iloiloga o Poloketi a Faalapotopotoga e tusa o Faiga Faavae ma Taiala</p>	<p>100% o poloketi a faalapotopotoga ua iloiloa i tausaga taitasi.</p>	<p>Vaega mo Faiga Paaga ma le Faamatuu o Faalapotopotoga a le Malo i Vaega Tumaoti</p>
	<p><b>2.2</b> Faatino suesuega toto'a o poloketi a Faalapotopotoga ua aulia leisi laasaga o Faiga Faavae ma taiala</p>	<p>100% o poloketi ua mae'a suesuega totoa mo tausaga taitasi.</p>	<p>Vaega mo Faiga Paaga ma le Faamatuu o Faalapotopotoga a le Malo i Vaega Tumaoti</p>
	<p><b>2.3</b> Tasi le poloketi ua faamaonia e le Kapeneta e tusa o</p>	<p>Faamaea le faatinoga o le poloketi e tusa o galuega fuafuaina. Faatuina le ofisa o le SEA ia Setema 2024</p>	<p>Vaega mo Faiga Paaga ma le Faamatuu o Faalapotopotoga a le</p>

	Faiga Faavae mo le faatinoina.		Malo i Vaega Tumaoti
	Faatautaia iloiloga masani e iloa ai le tulaga o iai Galuega Faapaaga ma isi Aseta umia a le Malo.	Tuuina atu Lipoti I le Kapeneta i le tulaga o galuega faapaaga ma isi Aseta umia a le Malo i tausaga taitasi.	Vaega mo Faiga Paaga ma le Faamatuu o Faalapotopotoga a le Malo i Vaega Tumaoti
2. Maita'ituina o Faiga Faavae	3.1 Mata'itu ma iloilo le faatinoina o Faiga Faavae ua maea ona faamaonia	Tuufaatasia lipoti mo le faatinoina o Faiga Faavae pe'a mae'a le lua tausaga talu ona faamaonia e le Kapeneta. Tai 2 Tausaga mai le Tausaga na Faamaonia ai e le Kapeneta	Vaega mo Faiga Paaga ma le Faamatuu o Faalapotopotoga a le Malo i Vaega Tumaoti

TAIALA	GAIOIGA MA FUAFUAGA	FAAILOGA MO FA'ATINOGA O GALUEGA	VAEGA E FAATINOINA
<p><b>1.</b> Ia mautinoa le sili ona lelei o le faatinoina o fuafuaga ma galuega fa'atatitia ale Matagaluega.</p>	<p><b>1.1</b> Atina'eina, iloiloina ma le fa'atinoina o galuega fa'atatitia a le Matagaluega.</p>	<p>Faamaoniaina ma le faatinoina o le Fuafuaga Autasi 2025-2028 a le Matagaluega ia Iulai 2024 ma faapea ona iloiloina i tausaga ta'tasi.</p>	<p>Vaega mo Auaunaga Lautele</p>
		<p>Faamaoniaga o Fuafuaga Faaletausaga a le Pulega ia Iulai ma faatinoina i tausaga taitasi.</p>	<p>Vaega mo Auaunaga Lautele</p>
		<p>Faamaonia ma Faatinoina Fuafuaga mo Tagata Faigaluega ia Setema 2024 ma iloiloina i tausaga uma.</p>	<p>Vaega mo Auaunaga Lautele</p>
		<p>Faatinoina ma le faamaoniaina o faiga tau pulega o faatinoga o galuega a le aufaigaluega ia Iulai o tausaga ta'itasi.</p>	<p>Vaega mo Auaunaga Lautele</p>
		<p>Faamaoniaga o Ripoti Faaletausaga mai le Ofisa Sili o Pulega ma tu'uina atu I le Afioga le Minisita mo le Kapeneta ia Oketopa o tausaga ta'itasi.</p>	<p>Vaega mo Auaunaga Lautele</p>
	<p><b>1.2</b> Lelei le faasologa o pulega tau tupe.</p>	<p>Tuufaatasiga o le Tala Faatatau o le Tupe mo le Matagaluega ma tausisia gasologa o tala o le tupe o le malo ia Fepuari.</p>	<p>Vaega mo Auaunaga Lautele</p>
		<p>Tupe Fuafuaina Faaletausaga: Faatinoina ma faamaoniaina o iloiloga Faaletausaga (Iulai) ma le Afa tausaga (Ianuari) ma tuuina atu i le Matagaluega o Tupe.</p>	<p>Vaega mo Auaunaga Lautele</p>
		<p>Faagaioiga ma faamaonia feuaiga faapisinisi uma ma tausisia tulafono tau faatauina</p>	<p>Vaega mo Auaunaga Lautele</p>

		ma faatonuga mai le Matagaluega o Tupe	
1. Puleaina o Punaoa a le Matagaluega o Faalapotopotoga a le Malo.	2.1 Tausia lelei o Aseta a le Matagaluega	Mata'ituina le iloiloina o le resitalaina o aseta a le Matagaluega oloo iai, aseta fou faapea aseta ua tatau ona tusi esea i le taimi o le faitauga.	Vaega mo Auaunaga Lautele
		Tuuina atu auaunaga tau felauaiga saogalemu.	Vaega mo Auaunaga Lautele
	2.2 Pulega lelei o Tagata Faigaluega a le Matagaluega o Faalapotopotoga le Malo.	Ia lelei le faatinoina o le Fa'afaigaluegaina ma le Filifiliina o Tagata Faigaluega	Vaega mo Auaunaga Lautele
		Faatinoina o faiga tau pulega o faatinoga	Vaega mo Auaunaga Lautele
		Fa'aauiuina o le faatinoina o galuega aua le Atina'eina o le Aufaigaluega. <ul style="list-style-type: none"> <li>- Aoaoga Fausiaina Faaletausaga</li> <li>- Aoaoga Toe Faamanatu mo le aufaigaluega e ala lea i Faiga Faavae a Tagata Faigaluega a le Malo ma o latou Agavaa.</li> <li>- Fuafuaga mo le atina'eina o le aufaigaluega a le Matagaluega.</li> <li>- Fa'aleleia le tu'uina atu o 'au'aunaga mo tagata lautele - Ta'iala mo Au'aunaga</li> </ul>	Vaega mo Auaunaga Lautele

	2.3 Lagolago, faaleleia ma faalautele ai o faamatalaga tekinolosi	Faamautina le iloiloina o Taiala mo Fesootaiga ma Fasmatalaga Tekinolosi I tausaga taitasi e pei ona taua I Faiga Faavae mo Fesootaiga ma Faamatalaga Tekinolosi.  - Fuafuaga Faaleleia mo Faalavelave Faafuase'i e ono tutupu ma aafia ai Fesootaiga ma Faamatalaga tau Tekonolosi a le Matagaluega.	Vaega mo Auaunaga Lautele
		Faauauina o le atinaeina o faiga ma galuega e mautinoa ai le lagolagoina ma le lelei o fesootaiga ma faamatalaga tekinolosi i aufaigaluega uma ole Matagaluega mo Faalapotopotoga a le Malo	Vaega mo Auaunaga Lautele
		Ia mautinoa le mata'ituina ma le faaleleia o upega tafa'ilagi a le Matagaluega ina ia malupuipuia ma mafai ona mau e paaga.	Vaega mo Auaunaga Lautele

# MATA'ITUINA O GALUEGA FA'ATINO MA ILOILOGA

O le Matagaluega o Faalapotopotoga a le Malo, o lo'o feagai ma lu'itau e pei o manaoga mo le faatinoina o lipoti, tuuina atu o le lagolago tau tupe, tausisia o le Tulafono o Kamupani ma a'afiaga o le Koviti-19. Ina ia foia nei lu'itau, o lo'o taula'i le Matagaluega i le fa'aleleia atili o le usitaia o faigafaavae, fa'amautinoaina le talafeagai o le tala fa'ataua o tupe, ia ogatasi ma le Tulafono o Kamupani, ma fetuutuuna'i i le si'osi'omaga fou ona o aafiaga o le faama'i. E le gata i lea, o lo'o faia taumafaiga e fa'amalosia faiga tau pulega, fa'aleleia le tulaga lelei o le Komiti Fa'atonu ia ogatasi faiga filifiliga mo tofiga ma fa'amautinoa avanoa talafeagai mo le auai o paaga i totonu o faiga fa'ai'uga. I le fa'atalanoaina atoa o nei lu'itau, o lo'o fa'amoemoe le Matagaluega ina ia fa'aleleia atili le lelei atoatoa, ia manino faapea le faaleleia atili o le fa'atinoga o ana galuega.

## LU'ITAU

- Olo'o fai lava ma popolega/lu'itau manaoga mo le faatinoina o lipoti Lagolago tau tupe
- Fa'aliliuina ole PTB ile Tulafono o Kamupani - o nisi PTB e le o usita'ia
- Aafiaga ole Koviti-19 ile fa'agaioiga masani ole Matagaluega ma Faalapotopotoga a le Malo.
- Pe a faia tofiga e le Kapeneta e le ogatusa ma le manaomiaga talafeagai, e ono fesiligia ai le auunaga ma le tulaga a le Komiti Faatino.
- O le Failautusi o le Komisi o Galuega a le Malo, e lē tataua ona avea ma sui auai I totonu o le faatalanoaga mo le Ofisa Sili o se Matagaluega a le Malo, ma i le tulaga lava lea e tasi, e le tataua ona avea o se sui auai mo le faatalanoaga mo le Ofisa Sili/Pule o se Faalapotopotoga a le Malo.
- O le fa'ai'uga o Faiga Palota ia Aperila 2021 na tuai ai (ova atu ma masina faatapula'a) le R&S mo Fa'atonu.
- O le iloiloiga o a'afiaga e feso'ota'i ma Faalapotopotoga a le Malo e mafai ona avea ma se galuega faigata ona o le eseese o le natura o galuega faapea ma tulaga eseese o le faatinoga o galuega.
- O le fa'atulagaga o tagata faigaluega o lo'o iai nei a le vāega o loo fitoitonu ma lea galuega, e le o lava tagata faigaluega e faatinoina galuega tulilloa mo Faalapotopotoga a le Malo ona o suiga ma le fa'atupula'ia pea o loo iai I le taimi nei.
- O lo'o fa'apopoleina pea le tulaga o loo iai le fa'aletonu ma le lē talia o le PPP e nisi o Matagaluega ma Faalapotopotoga Tumaoti a le malo.

## FAUTUAGA MO LE AGA'I LUMA

- Fa'atinoina o faiga ina ia ma'utino le tausisia e Faalapotopotoga a le malo le tu'uina atu o lipoti i taimi talafeagai ma le tausisia o le Tulafono mo Faalapotopotoga a le malo 2001.
- Faatino fa'alauiloa ma fa'atalanoaga ile suiga o le Tulafono o Kamupani
- A'o le'i fa'asalalauina avanoa fa'atonu o le a tu'uina atu se pepa fa'amatalaga i le Kapeneta e fa'a'iloa ai le fa'agasologa o le Faiga o le tofiaina ma le filifilina o nei avanoa o lo'o lumana'i ma le tomai fa'apitoa ma le poto masani (composition) o lo'o manaomia i avanoa taitasi. O lenei faiga e fa'amoemoe e fa'amautinoa e logoina le Kapeneta i le mafua'aga o le filifilia o Fa'atonu ma tu'uina atu ia i latou le avanoa e toe teuteu ai le

fatuga e mana'omia, a'o le'i amataina le R&S.

- A leai se faatonuga a le Kapeneta, o se tasi o Komesina e faaauau pea ona avea ma sui o le vaega filifilia e tusa ai ma Taiala o Faiga Faavae o le tofiaina ma le filifiliina o Ofisa Sili o Faalapotopotoga ua maea ona faamaonia e le Kapeneta i le 2020. E taua tele le faatumauina o le faatuatuaina o le Faiga Faavae o le tofiaina ma le filifiliina mo Ofisa Sili o Faalapotopotoga a le Malo.
- Na tofia se sui o le Komiti Filifilia Tuto'atasi fou (ISC) ia Aukuso 2021 ma sa latou faia se iloiloga o le Pepa Talosaga mo Fa'atonu, o fa'amatalaga o tofiga mo fa'atonu sa fa'asalalau.
- O lo matou fa'amaoni i le fa'atupula'ia pea o le galulue fa'atasi ma Fa'alapotopotoga a le Malo e tumau pea e le maluelue, a'o matou taumafai e ausia sini ma fa'amoemoe i tulaga o le tausisia o faigafaavae ma tulafono, faatumauina le lelei o vaega tau tupe ma tu'uina atu auunaga pito sili ona lelei mo le manuia lautele o tagata lautele.
- Toe fa'atulagaina o Vaega taitasi - fa'aopoopo tagata faigaluega.
- Fausiaina o Faiga Fa'avae Lautele.
- I le lumana'i, e iai le fa'amoemoe o le fa'ai'uga o lenei iloiloga o le a faailoa ai se avanoa e toe teuteu ai le PFMA 2001, ma/po'o le fausina o tulafono a le PPP.